

復

堂

詞

詞一

復堂類集三

菩薩蠻

綺窗香暖屏山掩  
菱葦半照愁蛾斂  
繡綫怯衣單  
鶻嗁風雨寒  
遠山眉翠滿  
素靨輝珠箔  
紅袖倚葦枝  
亭亭三五時

象牀觸響釵梁鳳  
嬌鶯喚斷春閨夢  
裙衩映垂楊  
曾驚游冶郎  
一從春色去  
玉貌渾非故  
夫婿是浮雲  
愁風愁水頻

深宮柳色慵眠起  
章臺夾道車如水  
付與可憐春  
房櫳藏玉人  
綠苔綠砌上  
燕啄銅鋪響  
殘醉醒還迷  
門前聞馬嘶

朱絃掩抑聲如訴，鈿蟬金雁飛無數。人去幾時回，行雲何處來。畫闌圍曲曲，敲折搔頭玉。華老鬱金堂，閒熏沈水香。

長亭怨慢

霜楓漸盡，書和廉卿。

又消受江楓低舞，幾徧清霜落。紅盈盈路返，照蒼茫、亂山憔悴。黯黯無緒，悵蕪吹絮。曾目送春風去，往日倚樓人，早領略。芳容愁苦，薄葭墜昏雅，宿雁卻向隔城煙樹。長亭載酒道休負，別時言語，記得是、荳蔻梢頭。怕回首尋芳，前度柰一晌、停車林際，葉聲如雨。

醜奴兒慢

晴雲做暝，如睡寒山初醒。尙留得、婆娑衰柳，忍記青青。幾

點蘆華誤看飛絮化浮萍霜林深處殘紅未了一樣飄零  
淺水渺茫畫船歸後簫鼓都停問吹笛樓頭人去記否  
丁甯省識春風踏歌扶醉上湖亭而今依舊青衫中酒落  
照西冷

摸魚子

悄無人繡簾垂地輕寒惻惻如許東風送暖衣纔卸還又  
繞樓疏雨春好處怕落了梅華便算青春算紅兒笑語道  
薜荔牆根秋千索下芳草綠無數天涯遠不斷行雲去  
去征鴻歸計休誤紅橋雙屐芹泥滑寂寞踏青游侶從閒  
阻任折柳聽鶯年少判虛度懷人正苦更卷起重簾蕪煙  
漠漠斜日暗南浦

清平樂

東風吹徧穉柳垂青淺雲樹朦朧千里遠望見高樓不見  
樓前塞雁飛還愁邊多少江山忍把棉衣換了玉梅莖  
下春寒

青衫溼

春來未有晴時候風雨閉重門今朝折柳明朝飛絮幾箇  
黃昏一鏡上了簾前瘦影銷也無魂青衫溼處看來卻  
似點點啼痕

湘春夜月

忒迷離幾番風雨葦朝賸有一片芳塵渾望斷紅橋燕子  
繞梁飛遍爲怕伊憔悴替壘香巢早長亭折柳天涯盡處

春去難招 空階夜色鬱鸞月冷羅袂飄颻天末風生吹  
皺了浣紗溪水澗上天桃一襟紅淚照往時鬢影蕭條算  
此際有愁人似我朱樓縹緲無寐吹簫

雙雙燕

綠陰詞同廉卿作用梅溪韻

漸華事了數寒食清明斷紅香冷人家綠暗曉樹後堂枝  
並行到荒臺廢井正天氣陰晴難定闌干竟日沈沈鏡裏  
雙鬟留影 幽徑羅衣露潤怪葉底聲圓乳鶯輕俊韋郎  
歸也莫是暮雲催暝剛許眠琴坐穩算分付尋芳音信嬌  
病最怯春寒雨過瑣窗還凭

蘇幕遮

綠窗前紅燭底小撥檀槽月盪涼煙碎夜靜銜杯風細細

吹上羅襟仍是相思淚  
病誰深春似醉陌上桃華門內  
先憔悴夢到高樓星欲墜  
零露無聲冷入空闈裏

青門引

人去闌干靜楊柳曉風初定  
芳春此後莫重來一分春少  
減卻一分病  
離亭薄酒終須醒落日羅衣冷繞樓幾曲  
流水不曾留得桃華影

南浦

杯行漸盡便天涯芳草送征輪  
此去看華得意休念酒邊  
人不是馬前風雨是臨岐別淚灑紛紛  
只依然雲樹無多  
煙水一樣動離魂  
我是近來消瘦最慊慊傷別復傷春  
怨殺浣紗溪水不照舊羅裙  
日暮歸鴉飛盡  
臙河橋獨立

病中身問翠衾何處綠蕪無語已黃昏

洞仙歌

關干澗碧疊苔痕多少芳樹陰陰斷嗁鳥記簪榴日暖折  
柳風疏妝鏡畔斂袖愁蛾淡掃陌頭新燕去煙雨無情  
遮斷香車往來道徐起拂青琴絃上塵生憑傳語知音歸  
早怕此去秋聲滿江亭膾把酒登樓亂鴻衰艸

滿庭芳

華是將離曲成憐子心情不似當年桃笙選夢綠酒說從  
前滿地蘿陰似水無人到鬪艸關邊風初起池萍點點搖  
蕩不成圓聞蟬楊柳外乍調脆管半澀新絃試重問齊  
宮舊事誰傳消受晚來風露離亭樹淡欲生煙聲徐歇高



樓微月翠袖隔重簾

浣溪紗

昨夜星辰昨夜風玉窗深鎖五更鐘  
枕函香夢太悤悤  
簾閣焚香煙縹緲闌干擗笛月朦朧  
碧桃華下一相逢  
好事近

華入畫屏秋華外夕陽倏憊高柳病蟬嘶  
起卻晚晴時候  
酒邊知是笑嗟難風味記新舊獨掩盈盈  
畫扇忍伴人  
消瘦

蝶戀華

庭院深深秋夢斷玉枕新涼雨氣和  
愁亂一炷鑪香燒漸  
短空房無語芳心轉小膽惺忪誰是  
伴瘦到支離病比

季季慣眼底朱闌千里遠西風幾點南飛雁

角招

荷華

近來瘦還如蘸水拖煙漸老隄柳欲尋雲際岫盪漿采菱  
多刺傷手悲秋病久看褪盡紅衣蓮畝昨日柔香縹緲有  
三十六鴛鴦向莖前低首空有抱香兩袖江南信息爭  
唱新詞秀翠盤珠乍溜細雨微波重來時候登樓念舊歎  
綠鬢消磨尊酒莫遣簫聲更奏怕雙淚濕青衫人歸後

采桑子

闌干一夜霜華重夢墮寒煙鬢老秋蟬菡萏香殘似去年  
朱顏總被尋常誤箏柱慵拈簾幕依然碧樹當樓更可

憐

浪淘沙

欄檻雨絲柔錦樹當樓芙蓉零亂作深秋不信浮雲從此  
去都是離愁酒盡算江頭怕聽笙篴青袍多少淚痕留  
殘月杏華簾幙下往日風流

更漏子

酒杯停人語細月午繡簾垂地收玉鈿卷羅衣海棠憔悴  
時清漏斷迴腸轉誰道秋宵更短纔半晌又三更疏鐙  
聞雁聲

鷓鴣天

城闕煙開玉樹斜幾重簾幙醉流霞井華曾照翩翩袖巷  
口疑聞隱隱車芳艸地玉人家女兒生是斷腸華西風

只在高樓上吹澹文窗舊日紗

芳艸

送別

問西風玉階芳艸門前便是天涯驪歌聽唱微漫持殘酒  
淚滿金杯羅衣親拂拭戀餘香曾入儂懷暫握手恩恩不  
語斜日樓臺頻催滿堂絲竹離亭畔恁許徘徊登車還  
在眼玉容憔悴損首莫輕回銀屏人寂寂有年時明月重  
來算此後翠衾夢斷夢亦疑猜

蛙戀葦

樓外啼鶯依碧樹一片天風吹折柔條去玉枕醒來追夢  
語中門便是長亭路眼底芳春看已算罷了新妝祇是  
鸞羞舞慘綠衣裳季幾許爭禁風日爭禁雨

下馬門前人似玉一聽班騅便倚闌干曲乍見迴身蛾黛  
蹙泥他絮語憐幽獨燕子飛來銀蒜觸卻怕窺簾推整  
羅裙幅語在修眉成在目無端紅淚雙雙落

抹麗柔香新欲破爲卜團欒暗數盈盈朵睡起鬢邊低漸  
墮鏡前細整留人坐卻換羅衣憐汗顆不喚紅兒自啟  
葳蕤鎖一握鬢雲梳復裏半庭殘日愔愔過

帳裏迷離香似霧不燼鑪灰酒醒聞餘語連理枝頭儂與  
汝干華百艸從渠許蓮子青青心獨苦一唱將離日日  
風兼雨豆蔻香殘楊柳算當時人面無尋處

庭院深深人悄悄埋怨鸚哥錯報韋郎到壓鬢奴梁金鳳  
小低頭只是閒煩惱華發江南年正少紅袖高樓爭抵

還鄉好遮斷行人西去道輕軀願化車前艸

玉頰妝臺人道瘦一日風塵一日同禁受獨掩疏櫺如病  
酒卷簾又是黃昏後六曲屏前攜素手戲說分襟真遣  
分襟驟書札平安知信否夢中顏色渾非舊

金縷曲

江干待發

又指離亭樹恁春來消除愁病鬢絲非故艸綠天涯渾未  
徧誰道王孫遲算腸斷是空樓微雨雲水荒荒人艸艸聽  
林禽祇作傷心語行不得總難住今朝滯我江頭路近  
篷窗岸華自發向人低舞裙衩芙蓉零落盡逝水流年輕  
負漸慣了單寒羈旅信是窮途文字賤悔才華卻受風塵  
誤留不得便須去

東風第一枝

省識華風驚回夢雨輕寒恰又輕煖斷魂紅袖香殘半醒  
翠尊酒淺空階竹影又訝是青袍微展鎮故園數點幽花  
欲寄一枝人遠從別後帳中淚眼知憶否樓頭素面慘  
悽曉鏡孤鸞冷落舊巢旅燕虛簾鉤起有一片柔腸同卷  
便好春過了江南怕過往時庭院

賀新郎

離思無昏曉不分明東風吹斷舊時顰笑疏雨重簾煙漠  
漠花色雨中新好又怕人隨華老珍重乍來雙燕子問  
玉驄何處嘶芳草腰帶減更多少春衫裁翦渾拋了盼  
長亭行人不見飛雲縹緲一紙音書和淚讀卻恨眼昏字

小兒說是天涯春到夢倚房櫺通一顧奈醒來各自閒煩  
惱知兩地怨嗁鳥

長亭怨

看春老飛華飛絮燕子來時綠窗朱戶不浣閒愁漫煎離  
恨奈何許妾魂銷矣最恨是沙頭樹相送客舟行卻不道  
天涯從此欲算想征衫乍解雙袖淚痕無數玉環錦帶  
是纖手背人親付算此後步步關情似華發空階無主更  
不遣分明淒斷柔腸一縷

浣溪紗

舟次吳門

五十三橋未是長水流不斷似迴腸弄風帆影過吳江  
玉枕啼痕猶昨日翠樓人語已他鄉真愁強笑費商量



蝶戀華

梳子華殘蝴蝶瘦鏡裏晨昏總是愁時候夢到江南人在  
否斷魂付與青青柳 過盡春風三月後門外斜陽馬上  
休回首私語難忘今日酒玉闌干畔攜雙袖

鷓鴣天

綠酒紅燈漏點遲黃昏風起下簾時文鴛蓮葉成漂泊  
鳳桐花有別離 雲澹澹雨霏霏畫屏閒煞素羅衣腰支  
眉黛無人管百種憐儂去後知

破陣子

泊舟見官柳一株亭亭如蓋感賦此闕

紫燕黃鸝寒食綠窗朱戶清明簾幙尙留飛絮影衣帶誰  
聞拜月聲畫闌攜手行 野水臉波添滿遠山眉黛同青

題作人閒端正樹驛路斜陽一片明西風容易生

解連環

後堂春晚背紅燈影裏酒寒人散自卷幔別淚闌干正斜  
月輝輝斷雲天遠半晌假儂怎便是三更三點歎從今只  
有妝臺鏡子照人心眼 回頭歲華荏苒記無多笑語總  
添哀怨謾付與約指雙環問何日題詩定情相見繡幄香  
泥好護惜明年宿燕待蕭郎白馬歸來絮飛滿院

相見歡

往時幾度春風過慙慙最苦今年人去落花紅 月如水  
光千里與誰同一樣翠衾香冷枕函空

踏莎行

畫柳

玉樹微寒瑣窗宿雨分明夢到閒庭字一重簾幙對西風  
離愁不斷浮雲去來雁驚秋吟蛩向暮江鄉景物還如  
許幾番殘月又新霜當時折柳人何處

浪淘沙

楊柳算蕭條風雨瀟瀟別時春水滿河橋幾日江南鴻雁  
到燕子辭巢玉樹向人凋角枕無聊嗟痕新舊總難銷  
樓上黃昏簾不卷明月今宵

虞美人

天風吹落樓頭月客鬢生華髮枕函迷夢醒還空帳外一  
星燈穗吐微紅書來猶浣封時淚留得相思字江南芳  
艸又逢春祇覺一般春色不宜人

河傳

樓畔輕喚鬢低垂欲語含羞語遲送郎出門郎馬嘶相思  
夢回儂未知 難倩征鴻傳我意情似水空灑無名淚畫  
鴛鴦更漏長殘妝君眠何處牀

鳳皇臺上憶吹簫

和莊中白

鏡掩虛塵枕寒別淚綺窗暗換春風悔翠眉輕別華月  
窓問訊趙家姊妹看擁髻都是愁中雙棲燕雕梁在否容  
易相逢 重重故山望斷有一片飛雲曾度牆東想倚闌  
無語玉袖嗁紅不分銀筓吹冷調怨曲銷損芳容春依舊  
天涯斷腸人去房空

江城子

江城垂柳一枝枝別君時日遲遲不道東風又是隔年期  
霧鬢雲鬟憔悴損除鏡子没人知 小樓華發故人非送  
斜暉信音稀有恨無言明月上羅幃金鴨香殘鴛袖冷剛  
許道莫相思

甘州

問蕭條底事走天涯席帽拂黃塵又當筵紅燭金尊中酒  
惆悵逢春回首花幡綵勝嬈嬈倚樓人一別高樓去日日  
含顰 況是物華輕換望長安不見宵夢難眞便明年人  
面雙笑恐無因悔從前天寒羅袖倚嬌柔只是少溫存思  
今夕掩盈盈淚幾處銷魂

詞二

復堂類集三

綺羅香

白蓮

與月依依非煙脈脈獨抱愁根遲算一片行雲爭許妙香  
留住驚夢醒返照當樓聽歌起櫂舟歸浦鎮相憐病榻維  
摩拂衣正在華深處飄零人事盡改休唱田田舊曲江  
南樂府遠水生秋消受和煙和露憐往日羅韞凌波願化  
身瞻餅深護恁禁得搖蕩真圓銀塘連夜雨

南樓令

羊辛楣花窠吹笛圖

岸柳晚颺颺餘酣漱碧流卻臨風三弄倚輕舟吹得月華  
如水冷有多少古今愁一雁度南樓關山音信休憶春  
風華影簾鉤曾是羅襟曾是酒渾不似少年游

卷十一  
十一  
詹嫵梅華洲小泊寄趙桐孫張玉珊杭州

看霜棲柏樹風約蘆碕舫小橋暝屈指芙蓉老冬心誰  
寄香訊斷霞記省料輕鴻曾照雙影更堪想一角朱樓小  
畫眉遠山靚趙北張南門徑羨買鄰計好沽酒邨近約  
略紅裙醉鴛鴦曲琵琶彈到絃冷汎舟路穩問榜人消息  
應準卻洲畔梅開歸趁春風未醒

尉遲恬

西湖感舊周韻同潘少梅丈作

平隄路正落照欲下城頭樹離離草色城陰前日鈿車來  
處東風宛轉吹不醒離魂夢南浦卻相逢柳外黃昏送他  
雙燕歸去回頭海國浮雲難忘是園林坐石萍聚唱徹  
家山渾蕭瑟話幾許零歌斷舞如今又江深艸閣但添得

巴山一夜語問飄來甚處簫聲倚樓應是愁侶

湘春夜月

今年春初醉先生借秦觀察楊太守送吳少宰

官秀州雨後過山下  
梅林陰陰感賦此解

度芳洲綠波碧艸茫茫便覺一片春情分付與離觴人在  
萬梅華下耐幾分風雪有幾分香卻畫橈載酒郵亭折柳  
別緒方長 青袍似艸飄零詞筆禪鬢蒼蒼玉笛聲中吹  
起了戀香雙羽華落江鄉修眉鏡闔等甚時重照梅妝算  
再到只空枝月影宵深漏斷還上船窗

一萼紅

吳山

黯愁煙看青青一片猶誤認眉山華發樓頭絮飛陌上春  
色還似當年翠苔畔曾容醉臥聽語笑風動畫秋千一曲



琴絲十三箏柱原是人閒  
細數總成殘夢歎都迷蹤跡  
只有留連劫換紅羊巢空紫燕重來步步回旋儘消受雲  
飛雨散化胡蝶猶繞舊闌干不分中年到時直恁荒寒

憶舊游九月八日紅豆詞人自禾中來踐登高約越日大  
魏滋伯丈揚綱士重九唱和有壽樓春詞  
回頭影事已隨秋煙兼道山陽之感矣

正瀟瀟風雨漠漠城闌如此重陽負了尋秋約怕登山臨  
水楚怨微茫廿年舊游蹤跡分付與衰楊算省識當時六  
朝裙屐九日壺觴 秋涼綺懷減想似水僧寮潤到衣裳  
各有看花淚黯青袍顏色冷落餘香一任晝陰陰地愁雁  
語昏黃待洗出秋容明湖寸碧西子妝

金縷曲 唐鄭月夜懷勞平甫

木葉飛如雨繞空舟惟聞闌浪悄無人語逢背新霜侵衣  
袂冷壓釵華不吐料此際微吟閉戶三徑蕭蕭蓬蒿滿記  
從前褰屐歡難補春去也惜遲昇飄零我亦泥中絮歎  
明明入懷月色夜深還去芳艸變衰浮雲改況復美人黃  
土算生作有情原誤莫倚平生丹青手看尋常顏面皆行  
路哀與樂等閒度

霓裳中序第一 怡雲小築梅萼初發尋春未遲

細英展凍曆二月春風初著力江上蘼蕪弄色好盪箇吳  
船試迎桃葉絲絲雨溼傍小池籠影清徹人清瘦仁調鷺  
語幾點上妝額清絕舊游曾識看參橫玉梅如雪移根  
孤嶼拂拭倚竹生寒羅袖岑寂一枝親許折問三店雙橋

詩十一  
十一  
信息歸來蚤商量  
眉黛留取夜闌說

虞美人

柔塵吹闌絲鞭道  
繡轂知多少  
玉河柳色又今年  
消受飛  
華飛絮晚風前  
斜易只合遲遲下  
我已魂銷也  
殘妝有  
鏡更無人留得  
鏡中小影自溫存

霞明煙細還如舊  
只覺桃華瘦  
有風無雨過清明  
慣了天涯  
不慣杜鵑聲  
玲瓏格子鑪香裏  
只共梨華笑  
儻教吹  
笛影兒雙多謝  
四更山月照幽窗

點絳脣

臨平道中

側帽東風輕撻  
翦斷朝來雨  
去年客路愁聽車鈴語  
黛  
色臨平影作  
眉痕聚  
春如許  
玉人心緒恐被  
眉痕誤

謁金門 春曉

人未起聽盡一湖春水林外杜鵑聲不已杜鵑華發未  
多少深閨羅綺臨鏡不勝悲喜華發遲遲華落易留春須  
蚤計

山華子

曲曲銀屏畫折枝檐華欲笑向伊誰樓上輕寒羅袂薄最  
相思頻拂粉脰鸞鏡暗乍調筠管鳳簫遲綠鬢裏回渾  
不是少年時

門外蕭郎駿馬行章臺初日踏歌聲妝閣夜長金穗落未  
分明黛掩嗔眉山隱約笙調怨曲玉瓏玲胡蝶夢中單  
枕側不須驚

望江南

東風路如畫是家山艸色卻隨流水綠夕曷只在有無閒  
燕子話春寒

華犯

唐鄭梅華林下作

倚東風看華霧冷芳心付流水去帆陰裏望暮雨朝雲無  
限離思弄珠負了韶年紀前歡猶賸幾恁記省半江顏色  
嬋娟相料理無言繞花易苟昏依稀認窈窕文禽煙際  
仙袂舉疏枝外不禁憔悴漣漪碧晚來照影春夢好憐他  
鸞喚起但領取玉樓顰笑寒香生翠被

洞仙歌

初秋

楊枝弄碧繫天涯心眼幾日涼風便零亂畫橋邊一片流

水無聲人獨立暮角將愁吹斷  
春塵煙雨裏如夢幰  
曾拂檐華笑相見我已厭聞歌玉  
遂蒼涼又吹起十年清  
怨問采采夫容隔西洲  
卻樹下門前爲誰留戀

西河

用美成金陵詞韻題甘劍侯江上春歸圖

江上地長亭艸樹猶記夢回故國  
渺鄉心斷鴻喚起萬方  
一槩聽笳聲煙波來去無際  
耿長劍何處倚楊枝渡口  
船繫烏衣巷畔有春風晚蘆故壘  
倒吹淚點上征衣知他  
江水準水女牆夜月過小市照飛蓬  
歸來千里往事幾  
回塵世只龍蟠虎踞山形依舊還  
枕滔滔寒流裏

最高樓

金翁老煙雨尋鷗圖卷中有王定甫通政陳寶菴  
編修蔣鹿潭大使宗湘文郡守及翁老唱和詞

煙雨裏脈脈只悲秋風片薄酒波柔  
綠楊不是靈和樹白

詞一  
五  
頭重上采菱舟百年身千古事一登樓 春去也倡條和  
冶葉人去也斷雲還缺月涼別袂觸鄉愁相逢客路如南  
鴈欲尋舊夢問閒鷗賸華年與流水兩悠悠

蝶戀華

水香菴餞春

零亂楊枝千萬縷今日爲萍昨日還飛絮禪榻鬢絲春又  
去東風不伴閒華住 幾點繞簾梅子雨潤到屏山畫箇  
江潭樹門外天涯芳艸算眉顰深淺渾無語

南歌子

不煥臨分帶羞調已碎琴當時情竭爲知音憔悴青山何  
況舊羅襟 黃月如冰冷銀杯借淚深少年景事總銷沈  
只有微波來去到而今

璪窗寒

連夕與子珍步月秋心眇絲感賦此解用玉田韻

淺酌吟香單衣卻燭畫闌同凭虛幃卷起月上一庭花景  
問何時羽衣舞殘玉樓遠憶人閒恰恁無端葉底新霜不  
管井梧飄盡 苔澗尋芳徑便涼收翠扇煥餘金鼎含情  
寫怨謔了弄潮音信正閣中秋夢不成彈鬟海棠華下等  
仿妝臺鏡子團樂天涯歸未穩

齊天樂

許邁孫賁夢愈填詞圖

璪窗朱戶尋消息明蟾與華俱瘦病榻玄談柔鄉景事曾  
付青春消受微波似舊問前度通辭箇儂知否老卻夫容  
晚鴛獨自戀珍偶 輕颺罷吹暗牖曲終人乍去離緒拖  
逗遠水長東殘雲漸暝笛裏情濃如酒閒吟醉後只煙外



迷離故園楊柳便不相思隊歡何處有

浣溪紗

樊雲門詞卷

別院東風著意吹晶幰不卷雨霏霏等閒過了牡丹時  
花外燕鷺猶旖旎酒邊箏笛沒參差道人原不解相思  
記得華年是鏡中背鏡人面隔華風天涯只在桂堂東  
不語任佗瑤瑟冷回頭已是畫屏空十年影事忒怱怱  
綺羅香

題李愛伯戶部沅江秋思圖用梅谿韻

艸瘦芳心柳迷倦眼回首佳人遲暮一片愁魂還被水雲  
留住思故國不隔西風柰離緒尚縈南浦最憐佗松柏同  
心往來寂寞鈿車路 清秋江上望遠祇恐回帆浪急公  
今無渡霧失峰青蕉翠鏡中眉嫵垂翠裏人憶當年倚簾

牀夢醒何處，恁禁得彈冷箏絲。瀟湘和雁語。

一剪紅

愛伯桃華聖解庵填詞

畫陰陰待題箏昵。酒華髮謝冠簪。歌管東風星霜別夢前。  
事都付銷沈黛眉淺。厭厭睡損。又喚起簾外。怨春禽。杏子  
單衫梨華雙靨。愁到而今。猶有平生詞筆。只空枝細艸。  
日日傷心木末。關河雲中殿。闕風雨無伴。登臨願重倚如  
人。寶瑟數絃柱。芳歲其侵。尋記得班雕紫門。一寸花深。

長亭怨

燕臺愁雨和陶子珍

恁愁緒鷓鴣嗁。冷滑滑天街雨。昏煙暝潤。到單衾幾時成。  
夢幾時醒。蚤蟬聲靜。偏獨自假金鼎裏。一縷餘香。仁記得  
渠儂燒臘。卻恨者珠歌翠舞。付與曲廊人定。妝臺鏡暗。

詞十一  
記曾照月痕星影向客舍泥徧輕塵鎖蕭瑟與君同聽便  
去也吳娘休唱一般思省

二郎神

清秋夜集人月如畫當歡欲愁

吐雲華月便墮作鏡中嬌面正玉樹煙迷香蘭霧細賺得  
柔情似蕩素扇搗來團欒影有幾日輕涼相見思淺綠酒  
波低紅鐙穗儘容留戀聽徧晚樓倚遂不勝淒怨但婉  
變清歌碧天如水一片梁塵在眼寶瑟比人春華同笑芳  
景怕成秋苑還只恐後夜風風雨雨畫簾愁卷

解語華

陶少質珊瑚簾試香圖

華鏤寶蕊酒蘊香波妙豔相思句卷簾微雨鑪煙裏小坐  
避人不語柔馨澹泞在幾曲銀屏深處清夜游微步珊瑚

散滿車塵路 我亦鳳城小住好  
沾蘭染席姚冶游侶分  
蕤傳靶都銷冷但有燠心一縷  
秋情未算更繚繞月魂疑  
霧襟裏寒攜向天涯留舊痕如許

臨江仙

紀別

昨夜酒闌人未見 玉郎從此天涯  
清秋倦客正思家十年  
景事回首夢京華 不分車前重握手  
柔腸結了還加噓  
痕欲寫臉邊霞無言強忍怕染路旁  
草

度江雲

大觀亭同陽湖趙敬甫江夏鄭贊侯

大江流日夜空亭浪卷千里起悲心  
問華華不語幾度輕  
寒恁處好登臨春旛顛裏憐舊時人  
面難尋渾不似故山  
顏色罵燕共沈吟 銷沈六朝衰展  
百戰旌旗付漁樵高

言三  
枕何處有臧雅細柳繫馬平林釣磯我亦垂綸手看斷雲  
飛過荒潯天未莫簾前只是陰陰

謁金門

人寂寂江北江南春色繞樹輕煙迷倦客煙中山半額  
榆火梨花時節獨自怎生將息簾外弄寒風又急子規聽  
不得

空繾綣休認當年人面雨雨風風渾不管落花飛滿院  
付與清明魂斷折得楊枝還短樹下門前千里遠出門儂  
又嬾

煙雨裏十二闌干慵倚飛絮飛華人似醉生憎江上水  
檢點羅衣殘淚帶眼莫將春繫夢短夢長渾不記餘寒憐

翠被

桂枝香 秦淮感秋

瑤流自碧便作就可憐如許秋色祇是煙籠水冷後庭歌  
歇簾波澹處留人景裏西風數聲長笛綵旗船舫華鏗鼓  
吹無復消息 念舊事沈吟省識問曾照當年惟有明月  
拾翠汀洲密意總成蕭瑟秦淮萬古多情水柰而今秋燕  
如客望中何限斜易衰艸大江南北

法曲獻仙音

蓋屋路山甫罷官客淮上

高柳無絲么荷非鏡賺得春人都老坐斷斜易夢回行雨  
殘英有枝空繞凝望眼江波渺離尊那堪倒 渾閒了恁  
妝臺入時梳裹聽杜宇簾卷總成獨笑風雨滿天涯柰而

今眉黛慵掃怕損魚鱗寄音書流宕難到問樓頭月色後  
夜隔華涼照

鵲橋仙 七夕感汾陽故事

羅雲愁薄緒風催莫燭照擎杯酒淺絳河森森向人垂是  
別淚經季流滿 江湖節序睽離心事忍記星期近遠尋  
常行路更何人問可有駟車相見

大酺 問政山中春雨

看舞榆低絲楊縮爭忍良辰拋擲無端敲竹雨響空階疑  
是故人雙屐枕溼鑪寒杯空劍鏞吹鬢東風欺客勞勞亭  
前路便傷心不似少年時節者人遠多忘書催難好付渠  
憐惜 泥塗遙望極望中見山外天空闊怕說與鷓兒巧

嘯蝶子輕翻待相逢翠幃將息煖到雙羅袖曾記得牽蘿  
顏色更長笛誰吹徹梅瓣都墜容易細英收拾脆圓幾時  
薦席

玉樓春

青山日日流鶯語嘯得春來春又去好雲不似故鄉多行  
雨依然相送處樓臺金粉江南路欲寄相思無處所清  
明霧裏溼梨華寒食煙中迷柳絮

木蘭華慢

桃華

過風風雨雨尙留得一叢華便欲舞還停如顰又笑巷曲  
人家胡麻賺儂老去者仙山一出是天涯消受趁時勻染  
靨邊片片朝霞交加照水一枝斜鬢影誤年華記渡江



用楫停辛佇苦別夢都差丹砂漫尋句漏向紅塵何處走  
雲車只是輕衾小簟從渠玉管金笳

浪淘沙

未雨已沈沈簾外輕陰澹黃柳色望中深一片東風吹乍  
起江上愁心倦眼阻登臨袖手閒尋雲愁海思兩難禁  
百艸千華渾不解獨自沈吟

浣谿紗

是處樓臺是處風夕易欲下可憐紅水晶簾外望玲瓏  
芳艸生時人似鴈鏡奩掩處鬢如蓬不成將息只恹恹

大酺

柰枕常敲裘常擁愁病桃華時節紅芳原不改過蕭蕭風

雨闌銷顏色燕姁鴛嬌梨昏柳暝哀樂何曾忘得驚心長  
亭路但春泥沒馬要留車轍便山欲化雲絮都成淚怨離  
傷別 年年挑菜日怕多露門外青燕溼有幾許瑤琴餘  
恨淥酒餘歡到而今總成追憶更與吹橫玉還弄徹落梅  
淒切正迢遞斜易驛嘶騎遙駐人在江城天末倚樓忍聽  
幾疊

訴衷情

邨燕

梨華澹白自成邨華下不開門春愁更與誰道憑燕子語  
黃昏 簾仁卷覺巢痕與銷魂問伊來處綠艸天涯有箇  
人人

丁香結

舟夜寄陶漢遯武昌

詞下  
一  
妝鏡人非屋梁吟罷寂寞酒尊甚豎問少年游處記斷夢  
幾輩天涯塵土干華和百艸同消受葉上曉露眉頭曾有  
舊恨更遣新愁來補 岐路只馬足難留折柳長亭前度  
小簾輕衾今宵酒醒試哦離句人世原有甘瓜我覺瓜仍  
苦況班騅郎去心事何時再吐

賀新郎

野水用顧兼塘莊眉叔唱和韻

野水方清淺拂篷窗暮雲如蓋一痕流電昨日牽舟今帆  
下絕似風前華片慚愧殺紅襟新燕楊柳層層深似幄笑  
閨中坐老閒鍼綫春夢好那堪選 絲絲絮亂征衣點化  
浮萍依然身世者番驅遣玉笛闌飛人何處冷落舊家閒  
院更誰倚秦鸞雙扇秦女但留顏色在待逢佗簫史開生

面天一笑雨聲徧

百字令

和張樵野觀察題倪雲砌花陰寫夢圖

雲英爲水蕩春魂一片落花浮席鸚武簾藥人在否屬付  
東風留客雷送車塵月裁扇景容易雙成隻美人香艸百  
年難忘去今夕見說墜夢迷離游仙大小樂府翻新拍  
多少相思紅豆樹未抵明珠三百種柳光陰牽羅身世付  
與誰憐惜千絲織盡支機天上餘石

小重山

二月二日同馮笠尉江皋春行

陌上依然艸色薰柳絲猶未卸雨如塵相望珠箔一年春  
江城畔無地展芳尊桃蕊雨三分竹籬茅舍外乍含顰  
少年何處醉紅裙風光好留與白頭人

瑞鶴仙影

白石客合肥自度此曲子用其韻想王五謙齋小朝川圖安得啞筆栗倚之

越阡度陌涼雲下蕪城一例蕭索故山可隱名園有主不  
聞殘角傾襟未惡更消受青尊酒薄試重歌藍田朝曲冷  
句寫宋平漠回首芳林晚讀畫絃詩少時行樂翦燈細  
雨賸檐華向人徐落燕到淮南者門巷年年記著弄扁舟  
卻問野水賦舊約

摸魚兒

用稼軒韻自題復堂填畫圖

唱瀟瀟涓城朝雨輕塵多少飛去短衣匹馬天涯客遙見  
亂山無數畱不住又只恐飄零長劍悲岐路舊時笑語待  
寄與知心被風吹斷曉夢託萍絮瑤琴上曲調金徽早  
誤溪宮人復誰妒一絃一柱華年賦但有別情吟訴鵲鴝

舞已艸艸青春紅裏歸黃土斜陽太苦獨自上高樓迷離  
望眼不見送君處

壺中天慢

夏夜訪遺園主人不遇

眉痕吐月倚新涼羅袂流雲栖暝楊柳知門塵不到記取  
羊求三徑壘石生秋餘華媚晚何地無幽景先生舒嘯結  
廬祇在人境 我是琴賦嵇康依然病嬾卽漸忘龍性畱  
得廣陵絃指在無復竹林高興裁製荷衣稱量藥裹况味  
君同領清輝遙夜碧天飛上明鏡

無悶

早雪

雲羃銀屏風滿畫檐陽鴈宵飛向盡卻夢枕猶欹酒懷初  
醒早是鏤冰試手送大地無塵山河冷苑荒竹瘦聲聲碎

玉崔眠同警。淒緊在人境。比臥老空山。一般孤迥。已誤了華季。那堪重省。吹上蕭蕭短髮。怕鏡裏難銷相思影。儻故里。畱語春風待我落梅芳信。

滿江紅

漢十二辰鏡和謙齋

天上人間難得此。長圓明月。羌付與舞鸞羞影。涼蟾慵鬪。耐冷不隨孤劍。化拂塵。渾似輕綃。滑更扣來碧玉一聲聲。眞尤物。興亾過情。先竭文字古磨。還滅喜沈。霸無恙。尙方珍跡。十二辰中鉛有淚。千季劫後鴻畱雪。柰鏡邊心事。笑唳難何堪說。

書三

復堂類集三

浪淘沙

芳意久闌珊病臥江關綠波芳艸彊留歡盼得春來春又  
老如此春寒 風雨夏漫漫燭燧香殘一聲笛唱念家山  
庭院無人萼有淚孤負雕闌

金縷曲

和蒙未

怊悵題襟集恁無端渭城折柳離歌三疊待我歸來猿鶴  
笑杯酒難忘夙管會記得落萼如雪重向西園圖畫裏共  
故人商略藏山業尋煙語一雙屐 十季鄉思南屏鮒怕  
回頭爍林禰飲傷心非一天末涼風衣帶緩贏得蒼茫獨  
立只舊雨相逢相惜結箇三休亭子好便討春結夏同將



息知足傳點君筆

蜨戀葵

題瑞石山民畫蘭

林下水邊春欲去  
葵自忘言曰日風吹雨  
斐几湘簾尋伴  
侶天涯香艸渾無主  
憔悴靈均曾作賦  
芳意如何離息  
朝還算回首卅季空  
谷路當時結佩人何處

風入松

用俞國寶韻題宗載之陌上尋鈿圖

游絲低綰錦連錢  
繫馬綠楊邊  
故人醒了當時酒  
風吹鬢還  
侶從前舊曲休調玉  
笛散波罷照爍干  
江南容易落  
萼天闌外夕陽偏  
博山卻是無情物  
難畱戀一氣雙煙付  
與縣縣長恨何時重  
見釵鈿

清平樂

用樊榭韻題谿樓延月補圖

谿光月洗樓上爍深淺鏡檻幽萼開落半情愔巷中徒滿  
百季豔冷愁蒸卷頭點筆生涼飛過輕鴻片片散波舊  
影難藏

臺城路

題何青耜先生白門歸權圖

三山二水渾蕭瑟爍隨斷鴻來太玉佩崩塵觚棱昨夢吹  
墮蒼煙淒楚萼開背櫛指白下門崱夕陽多處葉葉輕帆  
客心搖曳遽如許沈吟今雨舊雨記淮流月暎歌罷金  
縷故國周遭空城宋寔眼底滄桑重數西風問渡恁老倦  
津梁柳枝非故習筆依然寫愁無一語

卜算子

同卿屬題曼陀羅室遺稿

鏡裏繞餘香萼落風無定流水依然傷畫闌不見徘徊影

恁語墮蒼茫今日重恩省曲罷無聲似有人祇覺梁塵

冷

千秋歲

海隅信宿旅病倦游用少游韵示拙存太守竹潭  
離尹遼園詩老時同客上海

曲闌干外角度輕紅退疏雨斷散雲碎新愁慵攬鏡舊病  
難忘帶江水闊盈盈不渡空相對 意外同高會寒減西  
園蓋好鬪取身長在夢中芳艸遠曲裏朱弦改畱影去依  
然明月生滄海

一萼紅

用遼園韵志感

夢無痕記少季慘綠容易白頭人鏡影迷離萼陰瑣碎  
璣結束鬢身便樓上下窺繡轂空盪漾日暮碧天雲悟後  
成癡歡時又嬾澹處偏真 見說詩龍酒虎侶珠光照乘

劍氣通神佳俠嬋媿老仙遊戲絲絲沈水重溫任君笑林  
逋冷落只空山抱煥玉梅覓已是江潭楊柳霜色如髭

氏州第一

東鄧石瞿四明

容易新霜棲徧岸柳青鬢照影都換簾拂牀虛塵凝鏡闥  
依約妝樓晚晚崑度斜陽又冷照闌干西畔瑟柱分明琴  
絲掩抑數聲來鴈 蕉萃江關須作逢好禪榻閒中排遣  
樹老人崩雲先夢去說那堪畱戀向園林長望處數醒後  
萼深砌滿儻憶春崑本無萼簾龔罷卷

水調歌頭

遠龍氏鏡爲遺園賦

老淚向誰灑喚取鏡中人照殘今日哀樂閱過古來春持  
此吉祥文字試問當時龍氏可有百季身光采一時發畱

寫椒仙眞 尙方製羅十二紀芳辰  
萼當葉對無恙先後  
出風塵月在天邊圓缺珠有人閒  
離合好好伴脂痕莫問  
笑曉事吾已謝冠巾

柳梢青

如此春風都來付與病裏愁  
中竹笑蘭言雲愁海恩細數  
遭逢 先生坐老牆東看樹樹  
庭萼謝紅樓上箏聲陌頭  
鞭影一樣恩恩

蝶戀萼

關外東風還似舊生色眞香只共春消瘦  
小立心情如病  
酒梨萼滿地慵回首 記想班騅人  
去後薄醉孤吟無分  
同禁受點點曉痕垂廣裏夕陽又是愁時候

眞珠簾

題吳子述春眠風雨圖

參差畫閣燈昏了，忒恁恁醉裏曾眠。芳艸艸色綠依稀染，  
淚痕多少，鍼綫春衣，尋舊迹，傷枕函，殘香猶繞。休道者空  
房心膽與卿同小，不分東風塵世伴孤吟，只是青琴聲  
杳。樓外雨潺潺，優萼隨人老。一三夏都數徧，算祇有情  
天難曉。還蚤卻燕子梁閒，何曾驚覺。

六么令

寄題張韻舫眠琴小築

綠陰時候寒煖難將息，遙山幾重遮眼。芳艸向人碧，不分  
弦塵柱，緩枝引都蕭瑟。晚雲離席，陽關休唱，客舍楊枝，借  
顏色。未老江關庾信文，采畱南北。試覓滄海成連別夢，  
憐風月道是天涯語，笑付與閒箏笛。玉琴橫，剌垂簾罷鼓。

雨細煙深遲來客

妖靈

嘉善吳蜀御南湖妖靈畫卷

宵簾散涼望向曉汀洲晚柳顏色載酒游蹤讀駭心事遠  
天雁程蕭瑟渡頭雨歇繞船一片殘荷碧有影拂蘋櫂水  
樓嬌燕已如客 還念綺歲未折連枝秀盈南湖題句清  
絕澹霞林餘颺送響隨流商調向人咽橫笛短簫渾宋宋  
便討春忒一樣薄醉孤吟弄芳盟誓被愁將息

驀山谿

榆園薛菊多異品今季積雨萼晚霜遲涉冬三旬  
芳澹澹絢此亭檝高下几案閒障目頗黎屏寫影

如語仲冬五日主人招要爲滄英之會先一夕散雪時晴  
暄之觴詠間目欣懣主人許邁孫則日身次琴岸一客也  
同酌五人予譜  
長短句紀事

宵來稷雪萬瓦畱餘縈裏裏訪疏香恁解萼須尋澹處一

層鏡檻淺黛映雙雙寒初度秋先太老倦春風路如煙  
綺夢聽罷霖鈴雨不爲折腰難爲招子東籬舊侶人間縱  
好珍重看萼辰天付與尊徐舉簾外輕陰暮

滿庭芳

和王六潭

去住風華東西溝水季季小簾輕袞艸如青鬢不任曉霜  
侵乍可梨雲柳霧嘯翼破影事重尋持柘聽春人漸老香  
夢已銷沈端陽今日是況逢長至慵醉孤斟卻行來楚  
澤吟徧騷心海上初生明月天涯照幾處羅襟襟肯浣酒  
痕和淚淚比酒痕淡

瑞鶴仙

吳梅隱眠鶴齋

蚤霜侵薄鬢佻化鶴當季翔歡嘯恨山空賦招隱好牽蘿



谿上風輕露冷襪襪息影卻付與新巢  
爽永趁人閒骨相  
憐肥換了黑甜幽境  
還省棄雲迢遞倚笛高寒倦飛多  
警子懷忍俊同龕待習禪定恁林逋  
多事巖蔕開落又喚  
游仙夢醒伴先生獨舞婆娑  
不曾睡穩

醉太平

萬礪民空鈴詩息圖

恁輕夢輕風聲水聲孤舟小泊空鈴  
正夏殘酒醒  
今情  
古情長亭短亭竹枝贈與湘靈續離騷  
未成

睂嫵

用白石戲張仲遠韵東蓮孫

正茶蘼香軟棟子風斜畱取看  
等眼陌上樓頭夢停柘  
單  
珠巢遙待歸燕笑言款款閒阻  
深儂汝同感算渾似一片  
行雲墮入懷抱重煥  
何限襟情蕭  
檝有豔分  
等藥柔弄

嘗翰會乞銀河巧回文字輕帆來繫津纜曲中試點倚隔  
簾琴韻幽遠恁禁受文君弦解語笑相見

金縷曲

題鬢鬚軒主瑤臺小詠

我已飄零後向天涯何堪重憶鳳城尊酒不分推排成老  
輩恁許鬢髮依舊休采擷江南紅豆誰說芭蕉堅固樹只  
生生種得相慰穀詩句在故人口君知作達觀空否問  
往日雲愁海恩先生身有一劒季季磨不厭潦倒健兒身  
手空贏得萼肯斂裏書札長安都冷落怕西山也信人消  
瘦堆案是楞伽咒

虞美人

題李香君小象

東風冷向粵枝笑轉眼粵枝老澹煙依舊送南朝畱得美

人顏色念奴嬌 天涯一樣文章賤公子時相見酒杯傾  
與隔江山山下無多楊柳不堪攀

古香慢

爲胡研樵題桂萼畫屏

翠鏤片玉黃唾露芬爍信江浦等是林亭倚到涼煙薄莫  
不分伴孤吟尙畱得淒蛩倦羽絡玲瓏寄向萬里裏熏味  
卻辛苦 夏縹緲蓬山何處娥景高寒國香無主老質不  
平眠起粟肌消誰誤翦翦紫羅裳算同瘦瑤階宿露弄金  
風又如墨竊雲篩雨

小重山

用定山堂韻題顧橫波小象

人與江山并是柔六朝新樂府夢甫游玉梅萼下月如鉤  
扶香影幽緒上睂頭

尙書分新茗遺閨人晉句  
有要親扶香影吹上睂山

柳下白

門歟幾番歡笑罷幾番愁內家梳裏倚風流尙書老悃悵

舊妝樓

謂董夫人

柳梢青

再題鬻瘡盒填書圖

老公思量香初茶後總是歡場定子當筵笛家舊曲唱出  
伊涼 林蕤幾日芬芳任鄰蝶尋蕤過牆情只空閒迷還  
是悟賸與蒸唐

水調歌頭

東坡銅印

明月幾時有化爲百東坡文章壽比金石眼底古人多天  
上星官名姓翠落峨眉山影著手一摩挲黨禁偶然百塵  
劫幾番過 隨朝直同遠謫未銷磨此中空洞無物棱角  
尙嗟蛾拈到如神詩筆付與朝雲拂拭印印想婀娜好事

風流者持此傲隨和

瑣窗寒

寄荅葉蘭臺粵中

拂拭琴絲裊回鏡檻與鸞俱老單衫泥酒片月入儂裏哀  
向空梁數殘漏聲故心待寄絲絲道者風吹笑語望中還  
是天涯芳艸春杳家山好賸晚唱樵歌倦雲森森知音  
不見枉憶旗亭季少倡行人攀折去時斷腸柳外迷晚照  
恁蒼涼目送遙鴻又說飛難到

齊天樂

秋夜用楹園韻

叢蘭如病歆新箭夏比秋人消瘦絮夢蛩涼墜恁蛾倦昨  
夜雨偃雲憊單寒漸逗好寄語天涯縈心相守蠟淚乾時  
相息付與閨中榫檐風吹送斷澗柰嘯信如潮枕痕非

舊小簾纔辭輕衾欲燠又是去季時候酸辛嚙透只老我  
離騷初心終負月到中秋聽鄰家泥酒